

Մաշտոցի Արձագանգ

Հայաստանեայց Եկեղեցւոյ Սուրբ Յակոբ Կիրակօրեայ Դպրոցի ամսաթերթ

Այս թիւով...

Խմբագրական՝ Անվերջ ճգում դէպի
հաւասարակշռութիւն: Էջ 2

Ինչո՞ւ Յունուար 6-ին: Էջ 3

Ինչո՞ւ այս տարի Սուրբ Սարգիսի
յիշատակման տօնը Երկուշաբթի օր մը
կը զուգադիպի եւ ոչ Շաբաթ: Էջ 4-5

Հայաստանեայց Եկեղեցին,
հարցումներով, պատասխաններով:
Էջ 5

Եկեղեցական բառարան: Էջ 6

Խօսքն Աստուծոյ: Էջ 7

Աստուածաշունչը մանուկներու
համար. «Յիսուսի Ծնունդը Բ. մաս»:
Էջ 8-9-10

Եզակի գիրեր: Էջ 11

Ո՞րն է ճիշդ պատասխանը: Էջ 12-13-
14-15

Կարճ լուրեր կիրակօրեայն: Էջ 16

Յունուար 2008
ԺԵ տարի- թիւ 5

Ըստրամատ ՆՈՐ ՏԱՐԻ
ԵՒ ՍՈՒՐԲ ԾՆՈՒՆԴ



Ապա բացին իրենց
արկղերը եւ Յիսուսի
լնծայեցին իրենց
նույները, ոսկի, կնդրուկ
եւ զմուռս:

Մատթեոս 2.11

Խմբագրական

ԱՆՎԵՐՉ ՃԳՏՈՒՄ ԴԷՎԻ ԲԱԼԱՍԱՐԱԿՇՌՈՒԹԻՒՆ

Նոր տարուան եւ Սուրբ Ծնունդի զոյգ տօները տարեսկիզբի յատուկ երկու առիթներ են ուր մարդիկ մղուած սիրոյ եւ բարի կամեցողութեան զգացումներէ իրարու կը մաղթեն առողջութիւն, յաջողութիւն եւ փափաքներու իրականացում։ Այս բարեմաղթութիւններու լաւ սովորութիւնը կ'արտապայտէ մարդուն բնածին սէրը իր նմանին հանդէա ինչպէս նաև մարդուն նոյնքան բնածին ճգտումը դէվի յարաւեւ երջանկութիւն։

Բարի մաղթանքներ փոխանակելու այս սովորութիւնը ինքնին ցանկալի երեւյթ մըն է, սակայն չի փոխեր այն իրականութիւնը թէ բոլոր մաղթանքներով հանդերձ կեանքը կը մնայ նոյնքան չարիքի որքան բարիքի բեմ, նոյնքան ձախողութեանց որքան յաջողութեանց առիթ, նոյնքան յուսախարութիւններու որքան յոյսի դաշտ։ Եղելութիւնը փոխել փորձելը կամ մերժելը անտեղի է ու խոհեմութիւն է ընդունելով բարիին ու չարին միատեղ գոյութիւնը աշխատիլ մեր անդրադարձի կերպին վրայ ու մեր վերաբերմունքին վրայ երբ գտնուինք անցանկալի կացութեան առջեւ։

Քրիստոնէական հասկացողութեան մէջ եթէ կեանքը կը նմանցուի ծովու, մենք գիտենք թէ ծովը մերթ խաղաղ կ'ըլլայ, մերթ՝ ալեկոդ։ Ալիքները եթէ մարդ արարածներն են, կամ անոնց հոգիները, անոնք երբեմն հեզասահն են ու հանդարտ, երբեմն՝ խառնակ ու կատաղի։ Կեանքն ալ այդպէս, երբեմն մեղմ կը հոսի մեզ բերելով հոգեկան հանդարտութիւն երբեմն ալ կը փոթորկի ու կը պատճառէ հոգեւոր անկայունութիւն ու անձկութիւն։ Կարեւորը հասնիլն է հոգեւոր այն հասունութեան ուր լաւ ու բարին նոյնպէս կ'ընդունինք ու իրաքանչիւրի պարագային կը հակազդենք իբրեւ գիտակից ու հաւատացեալ հոգեւոր էակներ։

Մեզմէ իրաքանչիւրը կը գտնէ իր ձեւը հակազդելու չարիքին ու նեղութեան ու այդ ձեւերէն մէկն է տառապանքին դէմ պայքարելու փոխարէն զայն ընդունիլ իբրեւ կեանքի խաչմերուկ ուր կայ ընտրութիւն երկու ուղղութեանց միջեւ։ ըմբռատանալ Աստուծոյ եւ մարդոց դէմ, վրէժխնդիր դառնալ, կոռուիլ, հարուածել, կամ ընդհակառակը, գիտակցիլ դժուարութեան ու զայն վեր առնել իբրեւ սորվելու, բարելաւուելու, մեր կամքին եւ հաւատքին մէջ զօրանալու յասուկ առիթ։ Մարդկային առումով դիւրին չէ հիւանդութեան, ձախողութեան ու կորուատի առջեւ չըմբռատանալ ու չտառապիլ։ Բայց չէ՞ որ քրիստոնեային ճգտումն է նմանիլ Աստուծոյ ու ապրիլ անոր նմանողութեամբ։ Ուստի փորձելու ենք տառապանքի մէջ գերազանցել մեր մարդկային սահմանափակութիւնները ու ճգտիլ դէվի Աստուծագայինի օրինակին իբրեւ միակ միջոց յառաջդիմութեան եւ չարի կապանքներէ ազատագրման։

«Մաշտոցի Արձագանգ»

Հայաստանեաց Եկեղեցւոյ Սուրբ Յակոբ Կիրակորեայ Դպրոցի ամսաթերթ։
Խմբագրի՝ Շաղիկ Թորիկեան-Պոյամեան

Հայաստանեաց Եկեղեցւոյ Սուրբ Յակոբ Կիրակորեայ Դպրոցի կամաւոր խմբակը
Ուսուցիչներ՝ Վերժին Գիալքաննեան, Թամար Գիզիրեան, Յասմիկ Նաճարեան, Գարոլ Մանուկեան, Շողիկ
Նաճարեան, Աշխեն Իշխանեան, Յասմիկ Գանաճեան։
Տնօրէն՝ Թորոս Պապիկեան

ԻՆՉՈ՞Ր ՅՈՒՆՈՒԱՐ 6-ԻՆ

Ամէն տարի երբ կը մօտենան Դեկտեմբեր եւ Յունուար ամիսները, եւ կը սկսին Ծննդեան տօնի պատրաստութիւնները, կը կրկնուի այն հարցումը թէ ինչո՞ր հայերը Յիսուսի ծնունդը կը յիշատակեն Յունուար 6-ին եւ ոչ Դեկտեմբեր 25-ին:

Ինչպէս բոլորս ալ գիտենք նախքան Քրիստոնէութեան համատարած եւ ընդունուած կրօն դառնալը ժողովուրդներ հեթանոս էին: Եթի հեթանոս անոնք ունեին իրենց զանազան աստուածներու ծօնուած տօնախմբութիւններն ու տօնակատարութիւնները: Սակայն երբ առաջին դարերը անցան եւ քրիստոնէութիւնը պետութիւններու կողմէ սկսաւ ճանաչում գտնել, հոգեւոր պետեր սկսան խորհրդակցիլ իրենց ժողովուրդներու կրօնի վերաբերող ընթացիկ հարցերը լուծելու մասին: Այս ընթացիկ հարցերէն մէկն էր հին այն սովորութիւնները որոնք արմատացած էին մարդոց մտքերուն մէջ եւ բազմութիւններուն մօտ, որոնք քրիստոնէութիւնը ընդունած ըլլալով հանդերձ կը շարունակէին իրենց հեթանոսական սովորութիւններն ու պաշտամունքները: Այս տօնախմբութիւններէն էր Արեւ աստուծոյ նուիրուած պաշտամունքի օրը որ տեղի կ'ունենար Դեկտեմբեր 25-ին: Կացութեան լուծում մը գտնելու համար, Արեւմտեան Եւրոպայի Քրիստոնեայ եկեղեցիներու հայրապետներ յարմար գտան հեթանոսական ընդհանրացած թուականներ նոյնացնել քրիստոնէական տօնախմբութիւններու հետ, ժողովուրդին մօտ շփոթ չատեղծելու նպատակով:


Այսպէս է որ 451 թուականին գումարուեցաւ Քաղկեդոնի մէջ տիեզերական ժողով մը, որուն ընթացքին ընդունուեցաւ Արեւի պաշտամունքի այդ նշանաւոր օրը նոյնացնել Յիսուսի ծննդեան տօնին հետ: Այսուհետեւ Ծնունդը յիշատակուի սկսաւ Դեկտեմբեր 25-ին:

Իսկ հայերը ինչո՞ր շիետենեցան այդ որոշումին: 451 թուականին հայերը Վարդանանց պատերազմը մղելու վրայ էին ու չկրցան մասնակցիլ Քաղկեդոնի ժողովին եւ մերժեցին Քաղկեդոնի ժողովին որոշումները: Եւ որովհետեւ Յունուար 6-ը ընդունուած էր իբր Յիսուսի ծննդեան օր, հայերը շարունակեցին ամէն տարի Սուրբ Ծնունդը տօնել Յունուար 6-ին:

Աստուածայայտնութիւն

Աստուածայայտնութիւն Սուրբ Ծնունդ ըսելու այլ ձեւ մըն է:

Աստուածայայտնութիւնը Յիսուսի ծնունդն է որ մարդկութեան համար կը նկատուի իմացական նոր լոյսի, խաղաղութեան եւ սիրոյ տօն: Յիսուսի ծնունդով Աստուած յայտնուեցաւ մարդկութեան որպէսզի անոնք ճանշնան ճշմարիտը, իրենց մտքերը լուսատրեն եւ իրենց կեանքը ապրին ազնուագոյն սկզբունքներով:



Յունուար ամսուան բացատրական տօնացոյց

Ինչո՞ւ այս տարի Սուրբ Սարգիսի յիշատակման տօնը Երկուշաբթի օր մը կը զուգադիպի եւ ոչ Շաբաթ

Ինչպէս բոլորս գիտենք, Վարդանանցը կը տօնենք Հինգշաբթի օր մը, եւ Սուրբ Սարգիսը անկէ 12 օր առաջ զուգադիպող Շաբաթ օրը, որուն նախորդող 5 օրերը «Երկուշաբթիէն Ուրբաթ» Առաջաւորաց պահի օրերն են որ հաւատացեալ ժողովուրդը կը կոչէ Ս. Սարգիսի պահք: Սակայն երբ 2008 ի օրացոյցին նայինք պիտի տեսնենք թէ Վարդանանցը այս տարի Յունուար 31 ին է, «երբ ընդհանրապէս Փետրուարին պէտք է ըլլայ», եւ Սուրբ Սարգիսը Երկուշաբթի Յունուար 21ին է փոխանակ Շաբաթ 19 Յունուարին որ այս տարի Յովհաննու Կարապետի ծննդեան տօնն է: Յաջորդող պարբերութիւններուն մէջ պիտի փորձենք բացատրել թէ ինչո՞ւ:

Ինչպէս գիտէք, Ս. Յարութեան տօնը կամ Զատիկը շարժական տօն մըն է որովհետեւ ամէն տարի անոր թուականը կը փոխուի: Մարտ 21-էն վերջ, երբ լուսինը իր լրումին կը հասնի, անմիջապէս այդ լրումին յաջորդող Կիրակին կը նկատուի Ս. Յարութեան Կիրակի «Ասոր մասին կարդալ Մաշտոցի Արձագանգի Ապրիլ 2003 ի թիվն մէջ հետեւեալ հասցեով www.sourphagop.org/mashdots»: Այս տարի, 2008 ին Զատիկը Մարտ 23 ին է: Եւ Ս. Զատիկին օրը ճշդելէ ետք, շատ դիւրութեամբ կարելի է ճշդել շատ մը ուրիշ տօներ, հետեւեալ ձեռով:

Ս. Զատիկ

Ծաղկազարդ «Նախորդող Կիրակին»

Գալստեան Կիրակի «Նախորդող Կիրակին»

Դատաւորի Կիրակի «Նախորդող Կիրակին»

Միջինք «Նախորդող Զորեքշաբթին»

Տնտեսի Կիրակի «Նախորդող Կիրակին»

Անառակի Կիրակի «Նախորդող Կիրակին»

Արտաքսման Կիրակի «Նախորդող Կիրակին»

Բուն Բարեկենդան «Նախորդող Կիրակին»

Վարդանանց «Նախորդող Հինգշաբթին»

Ս. Սահակ Պարթեւ «Նախորդող Շաբաթ»

Ս. Սարգիս «Նախորդող Շաբաթ»

Առաջաւորաց Պահք «Նախորդող Երկուշաբթիէն Ուրբաթ» Յունուար 14-18

Մարտ 23

Մարտ 16

Մարտ 9

Մարտ 2

Փետրուար 27

Փետրուար 24

Փետրուար 17

Փետրուար 10

Փետրուար 3

Յունուար 31

Յունուար 26

Յունուար 19

Սակայն, Յունուար ամսուան մէջ մենք ունինք ուրիշ տօներ ալ, հետեւեալ ձեռով:
Ս. Ծնունդ եւ Աստուածայալաւութիւն «անշարժ» Յունուար 6 «այս տարի Կիրակի»
Յիսուս Քրիստոսի անուանակրոշութիւն «անշարժ» Յունուար 13 «այս տարի Կիրակի»

Ծնունդ Սուրբ Յովհաննու Կարապետի «շարժական»: Գտնելու համար այս օրը, կ'երթանք «Քրիստոնյա Հայաստան Հանրագիտարան» ին մէջ, Երեւան 2002, էջ 629 կը կարդանք հետեւեալը.

«Հայ Եկեղեցին ս. Հ.Մ. ի հիշատակը տոնում է տարին չորս անգամ. Անվանակոչությանը հաջորդող Հինգշաբթի օրը Եշվում է ծնունդը,» ուր Հ.Մ.ն Հովհաննես Մկրտիչի կրմատումն է:

Սակայն վերեւ յիշուածը շիտակ է միայն այն պարագային ուր Հինգշաբթի օրը պահիք օր չէ «եւ ընդհանրապէս Պահիք օր չէ»: Այս տարի Յունուար 13 ին յաջորդող Հինգշաբթին Պահիք օր ըլլալով, Յովհաննու Կարապետի օրը Եշելու շիտակ ձեւը ըսելն է Յունուար 13 ի յաջորդող ոչ-Պահիք եւ ոչ-Տէրունի օրը, որ այս պարագային Շաբաթ, Յունուար 19 ն է:

Նկատելով, որ անուանակոչութեան յաջորդող տօնը պէտք է Յովհաննու Կարապետի տօնը ըլլայ, հետեւաբար, Սուրբ Սարգիսի տօնը կը «զիշի» Յունուար 19ը Յովհաննու Կարապետին, եւ կը տեղափոխուի յաջորդող ոչ-Պահիք եւ ոչ-Տէրունի օրը՝ Երկուշաբթի Յունուար 21-ին:

Այս առիթով կը շնորհաւորենք բոլոր Սարգիսները, Յովհաննէսները, Կարապետները, Սարգիսեանները, Յովհաննէսեանները եւ Կարապետեանները:

**Այս տարի Վարդանանցը
Յունուարին է:**

Ինչպէս վերեւ յիշուած է, որովհետեւ Սուրբ Զատիկիկը այս տարի շատ կանուխ է, Մարտ 23-ին, Ուրեմն Վարդանանցն ալ շատ կանուխ է եւ այս տարի Յունուար 31 ին է:

Ս. Ղեւոնդեանց Քահանայիցն ալ Վարդանանցէն երկու օր առաջ ըլլալով, այս տարի Երեքշաբթի Յունուար 29-ին է:

Հայատանեայց Եկեղեցին հարցումներով, պատախաններով

Ի՞նչ կը նշանակէ Խթում

Խթումը Սուրբ Ծնունդը նախորդող օրն է որուն ընթացքին տեղի կ'ունենայ գիշերային պատարագ տպաւորիչ մթնոլորտին մէջ: Պատարագէն ետք, արդէն իսկ Ծնունդ կը նկատուի եւ հաւատացեալներ զիրար կը փոխանցեն Ֆրիսուի ծննդեան ուրախ լուրը ըսելով Քրիստոս ծնաւ եւ յայտնեցաւ, Ձեզի մեզի մեծ աւետիս:

Բարեխառն կլիմայ ունեցող երկիրներու մէջ հաւատացեալներու համար սովորութիւն է խթման գիշեր դուռէ դուռ ծննդեան շարականներ երգելով Քրիստոսի ծնունդը աւետել:

Ի՞նչ է Շրագալոյցը

Շրագալոյց տարբեր բառ մըն է խթումի համագօր: Շրագալոյց բառը կու գայ այն սովորութենէն ըստ որուն հաւատացեալները իրենց ձեռքին մէջ կը բռնեն վառած մոմեր խթման արարողութեան ընթացքին: Նաեւ աւանդութիւն է որ տուներէն ներս ալ ճրագ մը վարած մնայ:

Ե՞րբ կը կատարուի Զրօրինէք

Զրօրինէքը արարողութիւն մըն է որ կը կատարուի Սուրբ Ծնունդի պատարագէն անմիշապէս ետք եւ կը յիշատակէ Ֆրիսուի մկրտութիւնը:

Եկեղեցական բառարան

Ւ Ւ

Խաչակնքում

Աստուածապաշտական ծիսակատարութեան մէջ ընդունուած ձեւ է աղօթքի ժամանակ խաչակնքելով փառք տալ Աստուծոյ ըսելով «Յանուն հօր եւ որդույ եւ հոգույն սրբոյ:»

Խաչակնքելը ինքզինք խաչի նշանով կնքել կը նշանակէ: Հաւատացեալը որ կը խաչակնքէ հետեւեալին կը հաւատայ.-.

- Կը յայտարարէ իր հաւատքը սուրբ երրորդութեան հանդէա՝ Հօր եւ Որդույ եւ Սուրբ Հոգիին:
- Կը յայտարարէ իր քրիստոնէական հաւատքը:
- Կը պարծենայ իր քրիստոնէական հաւատքով:
- Ինքզինք կը պաշտպանէ չարէն:
- Գոհաբանութիւն կ'արտապայտէ առ Աստուծ:
- Աստուծոյ օրհնութիւն եւ օգնութիւն կը խնդրէ:

Ծ Ծ

Կ Կ

Կաթողիկէ

Ծածկոց

Ծածկոցը որեւէ կտաւ կամ կերպաս մըն է որ կը ծածկէ առարկայ մը: Եկեղեցիէն ներս սակայն, «ծածկոց» կը կոչուի այն ընտիր կտորին որ պատարագին ընթացքին, սկիբին ու մաղմացին վրայ կը փոռուի:

Ծածկոցները եկեղեցական սպասներուն ամենէն ընտիր եւ արուեստակերտներէն են: Սովորաբար անոնք մետաքսեայ կտորէ կը պատրաստուին, ասեղնագործուած ոսկի թելով:

«Կաթողիկէ» յունարէն լեզուով կը նշանակէ «ընդհանրական»:

Այս իմաստին հետեւելով, «կաթողիկէ» սկսան կոչուիլ ամէն մեծ ու գլխաւոր մայր Եկեղեցիները: Յատուկ կերպով, կաթողիկէ մակդիրը տրուեցաւ Էջմիածնի Մայր Տաճարին: Մայր Եկեղեցիներուն գմբէթ ունենալուն պատճառաւ, գմբէթներն ալ սկսաւ «Կաթողիկէ» կոչուիլ, յատկապէս հայ ճարտարապետութեան սեպհական գմբէթը որ ցցուած ու վեղարանման ձեւ ունի:

Խօսքն Աստուծոյ



Քրիստոսի խկական ծառան

Ա. Տիմոթէոսին 4.1-12

Վերջին ժամանակներուն յայտնուելիք մոլորութիւնները

Բայց Սուրբ Հոգին յայտնապէս կ'ըսէ, թէ վերջին ժամանակներուն շատեր պիտի լրեն հաւատքը, ականջ տալով մոլորեցուցիչ չար ոգիներու եւ դեւերու ուսուցումներուն, որոնք կը քարոզուին կեղծաւոր եւ ստարան մարդոց կողմէ, որոնց խիդճը սատանային կնիքով խարանուած է: Մարդիկ՝ որոնք ամուսնութիւնը կ'արգիւեն եւ կը հրահանգեն հեռու մնալ կարգ մը ուտելիքներէ. մինչդեռ Աստուած այդ ուտելիքները ստեղծեց՝ որպէսզի հաւատացեալ եւ ճշմարտութեան ճանաչումին հասած մարդիկ շնորհակալութեամբ վայելեն զանոնք: Արդարեւ, Աստուծոյ բոլոր ստեղծածները բարի են եւ անոնց մէջ խոտելի բան չկայ, մանաւանդ զանոնք շնորհակալութեամբ ընդունողին համար. որովհետեւ ամէն ինչ Աստուծոյ խօսքով եւ աղօթքով կը սրբուի:

Դուն, սակայն, Քրիստոս Յիսուսի խկական ծառան կ'ըլլաս՝ եթէ այս խրատները հաւատացեալ եղբայրներուն տաս, եւ ինքզինքդ սնուցանես այն հաւատքով ու ճշմարիտ ուսուցումներով, որոնց հետեւող եղար: Իսկ պառաներու յատովկ եւ հաւատքը պղտորող առասպելներէ ամբողջութեամբ հեռո՛ մնա:

Ինքզինքդ աստուածապաշտութեամբ ապրելու մարզէ. որովհետեւ եթէ մարմինի մարզանքները որոշ բաներու օգտակար են, աստուածապաշտութիւնը ամէն բանի օգտակար է, քանի կը խոստանայ կեանք տալ՝ թէ՝ այս աշխարհի եւ թէ՝ հանդերձեալին մէջ: ՄԵԿ բան որոշ է, եւ ամէն մարդ պէտք է գիտնայ, թէ՝ կը տքնինք եւ նախատինք կրել յանձն կ'առնենք՝ որովհետեւ մեր յոյսը դրած ենք կենդանի Աստուծոյ վրայ, որ բոլոր մարդոց փրկիչն է, բայց մանաւանդ հաւատացողներուն:

Այս բաները պատուիրէ եւ սորվեցուր: Եւ որպէսզի ունէ մեկը քեզի չարհամարհէ՝ երիտասարդ ըլլալուդ համար, հաւատացեալներուդ օրինակ եղիր՝ խօսքովի, վարմունքովի, սիրովի, հաւատքովի եւ մաքուր կենցաղովի:

Աստուածաշունչը մանուկներու համար

Յիսուսի Ծնունդը «Բ.մաս»

Յովսէփ եւ Մարիամ ստիպուեցան ախոռի մը մէջ քնանալ, որովհետեւ պանդոկներուն մէջ տեղ չկար: Այդ գիշեր իրենց զաւակը ծնաւ, զոր դրին մսուրին մէջ: Աւելի ուշ նոյն գիշերը




հովիւներ եկան այցելութեան, եւ պատմեցին «Երբ մեր գառնուկներուն ու ոչխարներուն պահակութիւն կ'ընէինք, փայլուն հրեշտակ մը երեւաւ մեզի եւ մենք շատ վախցանք: Բայց հրեշտակը ըսաւ մեզի


-Մի վախնաք ձեզի լաւ լուր մը պիտի տամ, Դաւիթի քաղաքին մէջ այսօր ծնաւ ձեր փրկիչը Յիսուս Քրիստոս»:

Այդկէ ետք, Հրեշտակին միացաւ խումբ մը

ուրիշ հրեշտակներ եւ բոլորը միասին ըսին
-Աստուծոյ փառք երկինքի մէջ եւ
խաղաղութիւն աշխարհի վրայ»:



Այդ ժամանակ, արեւելքին իմաստուն մոգեր
երբ տեսան փայլուն աստղը երկնքին մէջ




անմիջապէս գիտցան որ ժողովուրդին համար նոր թագաւոր մը ծներ էր: Անոնք հետեւելով աստղին հասան Բեթլեհէմ, գտան մսուրը ուր Յիսուս մանուկ ծներ էր ու անոր նուիրեցին ոսկի,



կնդրուկ եւ զմուռս:

Թէեւ Հերովդէս թագաւորը հրամայած էր մոգերուն որ վերադառնան եւ իրեն պատմեն իրենց տեսածը, բայց Աստուած Երազի մը մէջ հրահանգեց մոգերուն որ ուրիշ ճամբով Երթան իրենց Երկիրը, առանց Հ Ե Ր Ո Վ Դ Է Ս Ի Ծ Ա Խ Ա Ն Ի Խ Ա Վ Ե Լ Ո Ւ , եւ այդպէս ալ ըրին:



Եզակի գիրեր

Հայերէն գիրերով Sudoku

գ	է	զ	թ	բ	դ	ա	ե	ը
ա	ե	թ	է	զ	ը	բ	զ	դ
դ	բ	ը	ե	ա	զ	է	գ	թ
ը	գ	ե	զ	է	ա	թ	դ	բ
զ	թ	դ	բ	ը	ե	գ	ա	է
բ	ա	է	դ	թ	գ	զ	ը	ե
է	զ	գ	ը	դ	բ	ե	թ	ա
թ	դ	ա	գ	ե	է	ը	բ	զ
ե	ը	բ	ա	զ	թ	դ	է	գ

Նախորդ «Եզակի գիրեր» ուն
լուծումը

Ամբողջացուր քառակուսիները գործածելով ա, բ, գ, դ, ե, զ, է, ը, թ գիրերը պայմանաւ որ միայն մէկ անգամ գործածես իրաքանչիր գիր իրաքանչիր՝

- հորիզոնական գիծի վրայ,
- ուղղահայեաց գիծի վրայ եւ
- ինեակ քառակուսիի մէջ

է								բ	ա
			թ	բ					
բ			ը		ա	է			
ե			զ	ա					
գ			բ	է					
			ը	ա	զ			թ	
զ				գ	զ			է	գ
				թ				զ	
գ				ը	ա				ե

Ո՞րն է ճիշդ պատասխանը

Դեկտեմբեր՝ ‘ամսուան պատասխանները

Մանկապարտէզի անկիւն
Օգոստոս, մարդահամարը, ծննդավայր,
Դաւիթի, Նազարէթ, Բեթղեհեմ

Նախակրթարան Ա. Բ. Գ. անկիւն

1. գ. Շաբաթ
2. բ. Թագէնս եւ Բարթողիմէնս
3. գ. Մոգերը
4. գ. Բեթղեհեմ
5. դ. Գտէ՛ք Յիսուս մանուկը որպէսզի ես ալ գամ ու երկրագեմ իրեն:
6. բ. Ոսկի, կնդրուկ եւ զմուռս
7. դ. Մսուրին մէջ
8. ա. Յունուար 6
9. ա. Յունուար 6
10. դ. 30 տարեկան

Նախակրթարան Դ. Ե. Զ. անկիւն


1. գ. Շաբաթ Դեկտեմբեր 15
2. ա. Մծբին
3. ա. Օգոստոս
4. ա. Ս. Գրիգոր Նարեկացի

5. դ. Ս. Ստեփանոս նախավկայ
6. ա. Մատթէոս
7. բ. Դավիթ
8. Գաբրիէլ
9. Նազարէթ
10. Յովհաննէս Մկրտիչ

Երկրորդականի անկիւն

1. բ. Saint James of Nisibis
2. բ. Իրան
3. գ. Ս. Պողոս
4. ա. 325 Նիկիոյ
5. դ. Ս. Յակոբ Մծբնայ հայրապետ
6. դ. Առաքեալներուն Գործերը
7. Իսրայէլ
8. դ. Օգոստոս 11 ին
9. գ. 11
10. Տիրոջմէ

Ո՞րն է ճիշդ պատասխանը
Մանկապարտէզի անկիւն



Ամբողջացո՞ւր «Ղուկաս 2.8-14»

Հովհաններ, խաղաղութիւն, Փրկիչը, խանձարուրով, հաճութիւն,
 հրեշտակը, աւետիս, Օծեալ

Այնտեղ, դաշտերուն մէջ ----- կային, որոնք գիշերով
 իրենց հօտերուն պահակութիւն կ'ընէին: Տիրոջ ----- անոնց
 երեցաւ եւ Տիրոջ փառքը լոյսի պէս անոնց վրայ ծագեցաւ:

Հովհանները սաստիկ վախցան. հրեշտակը ըսաւ անոնց.

- Մի՛ վախնաք, ձեզի ----- մը պիտի տամ, որ ամբողջ
 ժողովուրդին մեծ ուրախութիւն պիտի պատճառէ: Այսօր, Դակիթի
 քաղաքին մէջ ձեր ----- ծնաւ, որ ----- Տէրն է:
 Հետեւեալը ապացոյց ըլլայ ձեզի.- Բոն մանուկ մը պիտի գտնէք՝
 ----- փաթթուած եւ մսուրի մէջ դրուած:

Եւ յանկարծ այդ հրեշտակին միացաւ երկնաւոր օօրքերու բազմութիւն
 մը, որ կ'օրինաբանէր զԱստուած, ըսելով. «Բարձունքներուն մէջ
 Աստուծոյ փա՛ռք, ----- երկրի վրայ եւ մարդոց միջեւ
 ----- »

**Ո՞րն է ճիշդ պատասխանը
Նախակրթարան Ա. Բ. եւ Գ. դասարաններու անկիւն**

Անուն: _____

1. Ո՞ր օրը որոշուեցաւ Ցիսու Մանուկին անունը:

Ա.- Յունուար 6

Բ.- Յունուար 1

Գ.- Յունուար 13

Դ.- Դեկտեմբեր 25

2. Ի՞նչ կը կոչենք Ցիսու Մանուկին անունին տօնը:

3. Ցիսու ո՞ր օրը մկրտուեցաւ:

Ա.- Յունուար 6

Բ.- Յունուար 1

Գ.- Յունուար 13

Դ.- Դեկտեմբեր 25

4. Ցիսու ինչո՞վ մկրտուեցաւ:

Ա.- Ձեռ

Բ.- Զուր

Գ.- Միտոն

Դ.- Իւղ

5. Ցիսու որո՞ւ կողմէ մկրտուեցաւ:

Ա.- Տէր Հօր

Բ.- Յովհաննէս Մկրտիչին

Գ.- Վարդապետին

Դ.- Քահանայապետին

6. Ի՞նչ կը կոչենք Ծնունդին նախորդող երեկոն:

Ա.- Զատիկ:

Բ.- Ջորինէք:

Գ.- Խթում:

Դ.- Բարեկենդան:

7. Ե՞րբ տեղի կ'ունենայ Ջրօրինէքը:

Ա.- Յունուար 6 ի պատարագի արարողութենէն ետք

Բ.- Յունուար 5 ի երեկոյեան

Գ.- Զատիկին

Դ.- Ծաղկազարդին

8. Ե՞րբ տեղի կ'ունենայ Ծրագալոյցը:

Ա.- Յունուար 6 ի պատարագի արարողութենէն ետք

Բ.- Յունուար 5 ի երեկոյեան

Գ.- Բուն Բարեկենդանին

Դ.- Ծաղկազարդին

9. Այս տարի ե՞րբ պիտի տօնենք Յովհաննէս Մկրտիչին ծննդեան տօնը:

Ա.- Շաբաթ՝ Յունուար 19

Բ.- Երկուշաբթի՝ Յունուար 14

Գ.- Հինգշաբթի՝ Յունուար 17

Դ.- Երեքշաբթի՝ Յունուար 15

10. Այս տարի ե՞րբ կը տօնենք Սուրբ Սարգիսը:

Ա.- Շաբաթ՝ Յունուար 19

Բ.- Երկուշաբթի՝ Յունուար 21

Գ.- Հինգշաբթի՝ Յունուար 17

Դ.- Երեքշաբթի՝ Յունուար 15

11. Այս տարի ե՞րբ կը տօնենք Վարդանանցը:

Ա.- Հինգշաբթի՝ Փետրուար 7

Բ.- Երկուշաբթի՝ Յունուար 21

Գ.- Հինգշաբթի՝ Յունուար 31

Դ.- Երեքշաբթի՝ Յունուար 29

**Ո՞ՐԱ Է ճիշդ պատասխանը
Նախակրթարան Դ. Ե. Եւ Զ. Դասարաններու անկիւն**

Անուն: _____

**1. Ցիսուսի Անուանակոչութիւնը անշարժ տօն
մըն է:** Ամէն տարի ե՞րբ կը տօնենք
Ցիսուսի անուանակոչութիւնը:

- Ա.- Յունուար 6
- Բ.- Յունուար 1
- Գ.- Յունուար 13
- Դ.- Դեկտեմբեր 25

**2. Մոգերը ի՞նչ նուիրեցին Ցիսուս
Մանուկին:**

- Ա.- Ո---
- Բ.- ---դ----
- Գ.- Զ-ու--

**3. Ո՞վ էր հրէաստանի թագաւորը Երբ
Ցիսուս ծնաւ:**

4. Ո՞վ էր Հռոմի կայսրը Երբ Ցիսուս ծնաւ:

**5. Հինգ տաղաւարներէն ո՞ր մէկը անշարժ
տօն մըն է:**

- Ա.- Ս. Ծնունդ
- Բ.- Ս. Յարութիւն
- Գ.- Պալծառակերպութիւն կամ
Այլակերպութիւն
- Դ.- Ս. Աստուածածնի վերափոխում
- Ե. Խաչվերաց

**6. Ընդհանրապէս «բացառելով այս տարի»
Սուրբ Սարգիսը ո՞ր օրը եւ Վարդանանցէն
քանի՞ օր առաջ կը տօնենք:**

- Ա.- Շաբաթ, 5 օր առաջ:
- Բ.- Շաբաթ, 12 օր առաջ:
- Գ.- Հինգշաբթի, 7 օր առաջ:
- Դ.- Երկուշաբթի, 8 օր առաջ:

**7. Այս տարի ե՞րբ կը տօնենք
Վարդանանցը:**

**8. Այս տարի ե՞րբ կը տօնենք
Ղետնդեանցը:**

9. Ի՞նչ կը նշանակէ «Կաթողիկէ»:

**10. Ըստ Պօղոսի Տիմոթէոսի գրած Ա.
նամակին 4.12-ին, ի՞նչ ձեւով Տիմոթէոս
պէտք է օրինակ ըլլայ հաւատացեալներուն:**

- Ա.- -----
- Բ.- -----
- Գ.- -----
- Դ.- -----
- Ե.- -----

**Ո՞րն է ճիշդ պատասխանը
Երկրորդականի անկիւն**

Աճութ: _____

1. Անոնք որոնք Ս. Ծնունդը կը տօնեն
Դեկտեմբեր 25ի-ն, ե՞րբ կը տօնեն
մկրտութիւնը:

Ա.- Յունուար 6

Բ.- Յունուար 1

Գ.- Յունուար 13

Դ.- Դեկտեմբեր 25

2. Արեւմտեան Եւրոպայի քրիստոնեաները
ե՞րբ փոխեցին Ս. Ծննդեան տօնը Յունուար
6 էն Դեկտեմբեր 25 ին:

Ա.- 325 Նիկոյ ժողովին

Բ.- 451 Քաղկեդոնի ժողովին

Գ.- 381 Կոստանդնուպոլսոյ ժողովին

Դ.- 431 Եփեսոսի ժողովին

3. Ի՞նչ կը կոչուի Սուրբ Սարգիսի նախորդող
պահքի 5 օրերը:

Ա-ա-ա-ռ-ա- պահք

4. Գրէ շիտակ ժամանակագրական շարքով
հետևեալ տօները: Ս. Ծնունդ,
Անուանակոչութիւն, Յովհաննու Կարապետ,
Ս. Սարգիս, Ղետինդեանց, Վարդանանց,
Բուն Բարեկենդան

Ա.-

Բ.-

Գ.-

Դ.-

Ե.-

Զ.-

Է.-

5. Գրէ՝ շիտակ ժամանակագրական շարքով
Հինգ տաղաւարները. Ս. Ծնունդ, Ս.
Յայծառակերպութիւն կամ
Ազակերպութիւն, Ս. Աստուածածնի
վերափոխում, Խաչվերաց

Ա.-

Բ.-

Գ.-

Դ.-

Ե.-

6. 2008 տարին ինչի՞ տարի հոչակուեցաւ
Արամ Ա. Վեհափառին կողմէ:

7. Այս տարի ի՞նչ կը տօնենք 31
Յունուարին:

8. Այս տարի ի՞նչ կը տօնենք 29
Յունուարին:

9. Ի՞նչ կը նշանակէ «Ընդհանրական»:

Կ-----

10. Ըստ Պօղոսի Տիմոթէոսի գրած Ա.
նամակին 4.12-ին, ի՞նչ ձեւով Տիմոթէոս
պէտք է օրինակ ըլլայ հաւատացեալներուն:

Ա.- -----

Բ.- -----

Գ.- -----

Դ.- -----

Ե.- -----

Կարճ լուրեր Կիրակնօրեայէն

• Շնորհակալութիւն Մոնթրէալի ՀՕՄ-ի Սոսէ մասնաճիւղին որ Նոր Տարուան եւ Սուրբ Ծնունդին առիթով \$200 նուիրեց Կիրակնօրեայ Դպրոցին:

• Կիրակնօրեայ Դպրոցը Ս. Ծնունդը տօնեց Կիրակի 30 Դեկտեմբերին: Արագ Գէպթանճեան, Դալար Գէպթանճեան եւ Առէն Պապիկեան կարդացին Ծնունդի պատմութիւնը առնուած Մատթէոսի եւ Ղուկասի Ալետարաններէն եւ աշակերտները հետեւեցան պատմութեան որ Ետրկայացուեցաւ նկարներով: Այդ օրը, Կաղանդ Պապան այցելեց դպրոց իր հետ բերելով Շուէրներ: Կիրակնօրեայ Դպրոցի աշակերտները իրենց սորվածներէն Ետրկայացուցին Կաղանդ Պապային: Օրը փակուեցաւ երբ Կիրակնօրեայի աշակերտները հետերնին տուն տարին իրենց նուէրները եւ զարդարանքներ պատրաստուած ուսուցչուիներուն կողմէ:



2008

**Շնորհաւոր Նոր Տարի
Սուրբ Ծնունդ**

Բժիշկու Շնուռ և յազմեցան
Շնուռ և Սուրբ Աննան

ՀԱՅՈՒ ՏԵՐԱՎՈՐ
ՏԵՐԱՎՈՐ

Հայութական Շնորհաւոր Նոր Տարի Պատմական Կույր
Հայութական Շնորհաւոր Նոր Տարի Պատմական Կույր
www.sourphagop.org

«ՄԱՇՏՈՑԻ ԱՐՁԱԳԱՆԳ»ի
Եերկայ եւ նախկին թիւները կը գտնուին նաեւ
համացանցի վրայ հետեւեալ հասցէով
www.sourphagop.org/mashdots